

四庫全書

集部

欽定四庫全書

集部

曝書亭集卷二十五

二至

詳校官庶亨臣汪彥博

助教臣常循覆勘

總校官降調編修臣倉聖脉

校對官檢討臣盧遂

謄錄監生臣趙立榴

欽定四庫全書

曝書亭集卷二十二

翰林院檢討朱彝尊撰

古今詩

二十一

強圉大淵獻

宿陸上舍

稹

聽雨樓

客鬢已星星小樓聽夜雨昨日海棠花飄落知幾許早
有私蝦蟇聒聒草根語

天平山謁范文正公祠

范公祠屋此山中石筍抽萌萬笏同遺像依然窮塞主
義田不改舊家風歸來散絹三千匹沒後題碑四五通

近觀

天書銀榜在年年秋色照丹楓

康熙四十四年
御書濟時良相扁懸諸南

擔祠有老
楓三十本

由上沙登靈巖山寺有感書壁

溪橋煙柳曉參差
瑩拂纔過三月三人自雨中來雨外

路從山北轉山南遺民老結蓮花社
開士高居燕子龕
茶板粥魚消歇後空餘井谷上方甘

胥口

胥口如繩直吳船比屋高往來陵雨雪歌笑涉波濤
淺碧搖新柳天紅露小桃近年浮宅慣未覺此身勞

讌集張上舍

士俊

水周林同諸君分韻得人字

岸上牽船思曼水中築室靈均客來何者是客客去此
中有人

石湖

吳下長為客舟行不計程過橋湖水闊隔岸野雲生寒
食誰溫酒深村亦賣錫農人占甲子最喜上方晴

高麗漫歌賦謝納蘭院長

揆叙

若稽古帝伊耆穿九井御六螭百穀既播雨露滋蒸民
乃粒無阻飢維帝念人壽之不永稽首再拜就泰壹小
子而問之小子前致辭養生固有道曷不施赭鞭鞭百
草嘗其平毒審其寒燠

烏皓切

別君臣異溼燥或冬而萌

或夏而槁豐者莠蔓者抱鼎用飪白用擣呶咀三百六
十五味著為本草經授諸醫師俾讎討山娟娟兮樹濛
濛爰有紫衣童子歌宵中瑤光之宿帝車尾散為仙卉
三椹五葉各一叢人銜鬼蓋海腴名不同是為土地精
肩股各具體有時黃口兒土中啼不已高高羊頭岡深
深虎穴底立苗團紫雲結子墮紅米晉上黨趙邯鄲遠
而新羅百濟根結蟠我昔於高麗圖經曾覽觀胥餘啟
宇後朝鮮世世稱外藩森羅三千七百島四至八到提

封寬域中生葳類羊角其上檄樹清陰攢春州產尤嘉堅
白少垢癥聞諸遼陽土木捐地先以熱湯野爐煮何異都
蔗去汁方登盤此邦之人日炙風戾乾元氣不損形神完
珍藥豈易得恒愁致者難納蘭學士相於久憶別重逢歲
在酉三面山臨一面江學士游韜
光句也誦君清詩不去口今春
鳳艦復時巡扈從依然八十一車後朝來帳殿喜合并
憫我形枯貌鰥醜分我神草凡百莖投之几案鏗有聲
五加一把安足道愛玩不異懷中瓊服之洗憂恚定心

氣益神智還精髓失笑頗類西域之駱駝口不能嚼左
右齏老眼秤星渾不辨刀圭約略付銚鑪作詩報學士
奇觚急就有媿盧仝馬異劉义何

過龔御史

翔麟

田居留飲即席賦

蘭臺有柱史敢諫名不虛奮舌彈將相收身還里閭性
不愛肥膩築室田中居田中何所有活水清不淤竹依
上番種瓜撰辰日鉏十枝五枝花一寸二寸魚籬下舩
舩舟門前殼棘車雖然在城市俗務已漸疎交謫無孺

人著錄付小胥曉督芸鼓芸宵從漁父漁我來適孟夏
乍見蓮葉舒蘆藩打槩入真前上階除是日新雨後決

決鳴溝渠一孫扶藜杖

挂孫

二客停筍輿

查編修嗣琛
家上舍思贊

主人略禮法小摘園中蔬山庖遠羶腥俊味頗有餘日
長語雜亂要勿及除書學稼既有懷老農豈不如清詩
唐宋間流傳相歎譽幽棲洵可樂竒服遂厥初試觀襜
襪子有若窮相驢團圍日旋磨進退皆牽犁對此淡蕩
人物外心相於躬耕許我耦願言期溺沮

初夏湖上同佟學士

法海

賈編修

國維

查編修

慎行嗣琛

汎舟學士紀之以詩遂和其韻

新晴最可娛
天朗片雲孤
葦膩魚王塢
鶯嬌柳浪湖水
亭施步障風
幔結流蘇
今夜弄明月
千金此一壺

瑪瑙寺陳閣老行館

寶勝湖邊剎
峰連葛嶺青
過橋

行殿近散直
小車停野飯
移厨連山泉
入筧聽只愁

宣喚至容易
別巖局

武林逢鄭高州

梁

高涼太守鬢成絲，青眼看人似舊時。
桐樹半生無改色。

蟹螯一手尚堅持，後來領袖歸才子。
老去雲煙勝畫師。

別久重逢轉傾倒，七言三復曉行詩。

太守右體不仁，左手猶能作畫，其曉

行詩云：野水無橋牽馬渡，曉星如月照人行。賦景最工，公子性有才名。

飲查編修寓樓二首

慎行

顛毛初白與僧同。

編修取蘇學士僧臥一卷，初白頭之句自號初白。菴主人。

逐隊仍趨

朶殿東，恰喜行厨櫻筍熟，繫鞵且對一漁翁。

唐學士繫鞵坐玉堂。

高館江湖左右開，三鉗播酒倒官醅。十年舊事篝燈話。

此夜方舟泊釣臺

戊寅四月同編修入閩

杉青牖別佟學士

法海

跣跣題紈扇，灣洄住綵舫。合并曾幾日，相送落帆亭。

曝書亭得孫學士

致彌

都下札

杖藜還藉短童扶，暇覓筠牀雀糞洿。典籍曝餘翻散亂，
田園歸後轉荒蕪。病蔬幾見連筒灌，薄酒生憎入市沽。
差喜故人遙記憶，八行書肯報潛夫。

苦旱茗飲乏水戴秀才 鏌以所蓄天泉見惠率

爾賦詩

浮玉山曠兩目荆溪橋斷百瀆吾家長水口夏至不沒
狗村農鳴鉦踏水車有如赴壑之修蛇青天無雲赤日
午相與結隊撈魚鰕忽焉長水涸水車無聲泥上閣東
車種禾禾漸焦南山種豆枯豆苗紫茄黃瓜半灰朽安
得舊井寒泉澆朝來約童子越阡度陌汲湖水昨行五
里今十里斯時老夫出亦愁入亦愁躁類楚沫猴喘似

吳耕牛既不能唱三江五湖倏倒流又不能使龍跳蛟
舞拔老湫升斗之水何從求戴生前一言家有泉兩壑
須臾擔僕來打門遽相送樂莫樂且先嘗何減三危之
露九醞漿竹火爐冰瓷盃鷹背長雀舌短飲罷北牕眠
月輪又新滿仰面問金波那不麗天畢雨滂沱何辜今
之人忍令禿髮女妓市也來溲溲

寄鄭秀才

元慶

鄭生五亭住四面白蘋香竹樹早無恙湖田低不妨圖書

生自柘湖還言
半妓見作浦

宜後定天氣欲新涼近得苔溪集

南渡劉一止詩文

期君讀草堂

更舞蛟石為蛇蟠石紀之以詩

并序

府治東徐少卿祠有苔石竒古土人目曰舞蛟傳是花
石網所遺然至元嘉禾志明柳琰鄒衡趙瀛三志均不
載未析所從來按元慈谿黃玠弁山小隱吟錄有為濮
樂間司令作蛇蟠石歌樂閒家濮院意明初產入官後
好事者移置此地爾妄擬李白更九子山例書之禾錄
石以舞蛟名未若蛇蟠古試誦弁山吟圖經猶可補

吳甥

振武

用指頭作畫花竹翎毛草蟲山水畢

肖異而賦長歌

軒皇曾列素女圖虞帝欲觀古人像禹鑄神姦貢牧金
康模醜酒豐侯相周官設色之工五畫繪由來有專尚
彼時蒙恬筆未製安得中山管城樣不知渲染用何物
藻火山龍授師匠指頭作畫舊譜希巧者未述知者勗吾
家賢甥罷官久玉桂國中少倚仗林泉高致頗軼倫往
往得錢埽屏幃入春放溜始歸來啜粟承歡北堂養田

園松菊縱荒蕪且免折腰走俗狀蕭晨訪我梅會里小
艇恰乘新水漲開顏並對竹垞竹一技尤精難比仇先
施淡墨後濃墨食指兼需巨擘將有時爪痕抽藥苗有
時指節成花當雪禽不數唐希雅風蝶何殊秦友諒少
焉滌硯寫山水茅屋苔磯雅清曠斯須湧出八九峰瀑
布飛流樹穿浪釘頭鼠尾信手皴程奕屠希見惆悵漆
園以指喻非指天地一指巧相況覲爾新圖捫指成使
我衰年一神王移家思避消夏灣歲旱湖田定無恙用

里黎容容至嘗毛公壇許人扶上橙黃橘綠及是時十
幅蒲帆趨所向甥能從我賦近游共醉山家隔年釀

南垞晚步同王生

澆

荷風剛罷浴蘭晚已新涼高樹下歸鳥小牕明夕陽蛇
牀秋草徧魚尾暮霞長老圃論生計纔收一稜薑

過李上舍村居

偕行十畝桑外並坐十年樹根猗玗子無惡客武夷君

有曾孫

元結自號猗玗子以不飲酒者
為惡客上舍六十已得曾孫

五毒篇效曹通政寅用其首句

南蟲毒頭北蟲尾以類名蝨總為虫五者潛行疾如鬼
誰與點筆繪作圖一一獰劣殊形模五月五日張戶樞
嗚呼之蟲螫人遇所觸謀及乃心禍斯酷世間無如僕
蟲毒

送蓮占揚叟還廬江

桐帽梭鞵冰雪容山茨歸臥棗香濃瓊茅欲就靈氛卜
知近浮槎第幾峰

雨集平山送查編修

嗣璪

蔡舍人

璪方上舍

世

舉唐明府

紹祖

入都二十韻

金飈斂行潦絳葉鳴凜秋曉雨原上來枯桑落荒溝筠
車北岡路徑盡知所投平山表遺迹經始歐九修手移
新堂柳緱汲冽井流至今闌檻曲詩版存王劉吾來堂
未建再至乃登樓未知百年內紺塔能復不一蕭暘二
卞子恒久載酒羅庶羞征鴻適來賓鳴鹿迭相求翩翩
羣雅才簷笠偕燕游江光湧平楚草色連遙洲淮南十

一郡千里極望收同人齊所願于野獲良謀查蔡金閨
彥方唐才士尤將從畿南驛直抵山後州豈曰無裳衣
客子在道周感彼蟋蟀唱役車何時休燕南趙北際慎
勿久滯留且復飲沉頓率意成狂謳

紀夢作

北山叟卜南山宅言歸北山人不識山家黑犬兩耳黃
獨木橋邊吠行客柴門之下水淙淙枳籬以外花茸茸
偶然鞭犬失青竹化作羊須一白龍

送程秀才

元愈

還宣城

梅孝廉庚女壻也

花飛春水都官句
山抹微雲女壻詩
送子羊頭車一兩
滿林柿葉正紅時

歲暮送張生

星

還吳

四野同雲淅淅寒
只應小住共春盤
懷歸潘岳真多事
遺挂重思面壁看

著雍困敦

五言賦鴨餽餽

禾俗養鴨兒樂府歌阿子一雄挾五雌累百喙長水方
春穀將出生意不可止要術啄抱宜而月雛定起淺夫
計欲速火攻迭運徙半體形已呈忽焉混沌死他邦盡

棄擲吾黨獨見喜

鄉人曰喜彈

鋤童屑椒桂竈妾洗毛髓色

清黃白斑候斂漿汁滓鴨簽哂東京鴨劇屏南史既免
治刀砧兼弗齧牙齒以之號餽鈍莫審所自始得非飲
食人桐江方萬里記取秀州門竹杖扶入市

萬里竹杖詩跳上岸

來須記取秀州門外鴨餽鈍

至今七十坊

至元嘉禾志載坊巷七十

饌法傳伍氏

物微愛憎殊留賓姑舍是二子下箸貪

桐城方世舉
嘉興李宗渭

謂

足勝羊豕作詩賞逸味虛谷同一揆不知天地間何者
真好美試問厨煙生曾否動食指

送李上舍之濟南謁新城王尚書

海右惟濟南具饒山水趣側坎酌突泉單椒華不注匯
為蓮子湖七橋從坦步尚書宅新城道重東山傳絲竹
匪所耽騷雅乃先務林端有嘯臺池北但書庫著錄幾
千人片言等墳素李生辭菰蘆高山動遐慕譬諸驥驟

姿孫陽宜一顧莫因籤程迂直趨九河渡送行吟短章

心飛蠶尾樹

蠶尾山房尚書著書室也

九日籬菊未放桂有餘花里中諸子過出金華

酒小飲分韻得小字

叢桂落餘花雙餅出清醪我客不速來毋論戶大小冷
笑登高人牽拂風林杪

潘檢討

未

以方竹杖見贈賦謝

天台方竹杖絕勝萬年藤九節仙人斲兼程衲子能免

尋籃舉坐且喜石橋登
準擬池南岸晨朝相菊
勝

德藏寺咏古跡五首

雙塔

寺門雙塔並夕照
挂林西影落東湖曲
參差終不齊

梓徑

入寺一徑分文梓
昔無數想見獨吟人
赤脚踏紅雨

趙王

孫孟堅
有詩

浦花堂

百里魯公浦風荷岸岸香金沙誰布地傳是道宣房

松風臺

松樹已無榦松風舊有臺華亭初不遠定有鷗飛來

山月池

海山一片月終古照池水當年人定鐘聲聞十八里

事見

魯應龍聞
牕括異志

天游觀歌寄贈崇安王明府

梓

昔我登武厓勝絕天游觀諸峰羅爲下一亭表天半水

紋斷續流石骨陰陽判藥鑪茗盃不外求
谷鳥林猿迭相喚老夫高尋豁兩眸
坐久嬾下崎嶇丘夕陽滿樹嵐翠浮
白雲忽起山之幽須臾逢逢漲巖壑
仰視昂車井鉞參旗收恍如置我不繫
之虛舟蓬萊方丈海外州天雞乍唱旭
日旦依舊列岫仍環周回思此地神物
怪疑詎可測願為道士驂駕白鹿騎青
牛年今八十行歎復坐愁安得九節竹
杖扶我重上仙掌之峰頭閒吹鐵篴
弄明月乾魚糲飯長勾留邵陽王子今
為宰詩思潘江

文陸海仙才自合治仙山一鶴一琴恒並載擢歌九曲
和元音逸韻清鏘音欵乃書院琳宮次第新陳丹暗粉
更番改畫簾暇日考圖經祠祿題名舊章在騷人初度
先春期玉梅早發珊瑚枝邑人躋堂齊介肴頌侯戩穀
無不宜三漿十酒斟滿卮亦有鼓板兼歌師當筵漫奏
賓雲曲明府自有白雪陽春辭

查二編修弟

嗣琛

煎錫為洗頭盆注水扶寸江

行恒自隨乃以脫贈賦五言詩紀事

查仲華山頂曾窺玉女牕洗頭無俗具注水愛深缸巧
匠工煎錫騷人利涉江塵容許三沐贈我載歸艘

題盛叟生壙

宜山居士抱詩癖老傍南湖度幽宅莫嫌丙舍少兒孫
且免他時賣松柏

題張平山水墨明妃出塞圖

畫師徧寫春風面殺粉研朱總未嫻似此澹描翻絕世
按圖誰復詆平山

曝書亭集卷二十二

欽定四庫全書

曝書亭集卷二十三

翰林院編修朱彝尊撰

古今詩二十二

屠維赤奮若

寄查山張上舍二首

昔訪查山麓梅花香滿頭筠車三日坐日日醉層樓八
載負前諾今年春可游老夫無那嬾風雨返孤舟

傳說幽栖好經營與舊殊立碑先墓側注水小山岵路
近通香海帆輕截太湖不知熨斗柄更插幾千株

送施生重游武卮三首

止止菴深舊下帷焙茶擣紙遠如期春山一路無啼鳥
澗水聲中到武卮

度嶺虹橋架壑舟無妨仙侶暇重游修琴載酒途非遠
誰道山中不可留

隱屏峰後石蒼黔百丈傳聞挂水簾好事畊漁曾不到

圖經藉爾後游添

吳人徐達左洪武中游武尾繪九曲之勝不及水簾洞畊漁子達左自號也

野老

學易村夫子勞勞六寸心卜錢求漢鑄新得火珠林

題曹通政寅思仲軒詩卷

蕪城鮑明遠古調李騫期眷念同懷子因題思仲詩春

塘宜入夢柔木易生枝更放過牆竹濃陰使院垂

公弟居此

植杜仲一本于庭故以名軒

真州客舍對雨

夏日北風起殷雷聞再三黑雲奔萬馬俄頃徧天南驟
雨散銀竹垂龍回碧潭何來雙白鳥猶自舞毵毵

魏諭德

學誠

調鶴圖

蔚州才子嗣清塵藻鑒持衡識曲真畫裏歸裝無長物
一雙舞鶴比長人

項叟小像

花開一百五日月明二十四橋君家大好山水偏愛蒲
團寂寥

五月晦曹通政寅招同李大理煦李都運斯佳

納涼天池水榭即席送大理還蘇州

天池南有樓天池北有樓納言北樓下招我池上游軒
牕拓四面地潔無癥疣解衣挂短桁舍坐臨清流綠楊
萬千絲花鴨六七頭徐聞水車響少待魚罾收須臾二
李至各各情綢繆小胥搖大扇四座風修修蘭肴屏肥
膩苦露獲所求古來避暑飲豈必量觥籌東園久不雨
老樹焦煙浮青蟲高下墮吐絲若綴旒斯時墨雲升或

躍在淵蚪因之鳴埳鶴且免喘吳牛有滄雖不作氣已
如涼秋大理起避席疊擢還武丘主人不忍別小舫尾
中洲峭帆十八幅破浪同飛鯨榜人有常程歧路難久
留分手文山祠日暝回孤舟

守風瓜步示沈秀才

翼二首

連檣水沉鐵鹿四面風吹石尤東澤曾留綺語請看月
上瓜洲

朝霞欲雨不雨歸路愁水愁風長江廣輪尋尺此事何

關鈞翁

丹陽道中

丹陽三里城兩槳一舟行
雞犬家家靜菰蒲岸岸生
過橋斜照斂出郭小車鳴
不比瓜洲渡波潮信宿驚

載

化益作將軍百蟲各率職
周官去蠹黽庶蠱攻必力
苟或害田功惡其傷稼穡
食苗心曰螟食苗葉曰武
食苗根曰蝨食苗節曰蠶
秉畀炎火焚田祖首罰殛
嗟載本

木微坏戶易潛匿花兒匠太慵埽除失記憶主人五畝
園曝書亭在北樹之桃李梅三面少柴棘履道坦且幽
穿徑曲而仄薰風來自南綠陰淨如拭睨睨黃鳥音續
翻翠禽翼藻景愛靜觀悠然意獨得不意蟄者蘇鬪生
累千百縹碧黃朱斑文采假緣飾依倚族類繁黨附帖
盤螻誦詩三百人其名或未識上樹少卻行緣裳無懼
色一毛散空際中者立受厄小兒女至頑敢怒不敢即
傳聞官蝦蟇噓氣出胸臆之蟲在林梢蠢動自顛踣又

聞小花鷹飛掠來海國慣伺之蟲嘗不避弋人弋二者
均莫致俾爾橫暴極桑柘以飮蠶村姑有定則賦芋自
狙公朝暮稟部勒豈若是物貪葉葉乃盡蝕有若人禿
鬣又如烏希革歧枝結芬絲遺矢類深墨大哉造化工
生物固不測巨或肆饕饕小亦具凶德荀卿原性惡斯
言信剛直歲序迭環周時運互通塞商飈一以涼流毒
自然息

贈吳下張生

星

一道蓮涇直到門粥魚茶版共晨昏郎官石柱書無敵
甘白先生里尚存五載匡廬曾結社全家墨壤近成村
看君用筆形交讓足比西京繆篆痕

攜李

佳果先秋熟來禽也不如瑤光珠斗散青簡素王書瘦
地翻宜嫁柔條亦易舒最防黃霧塞務使綠陰疎暑暘
漿偏潤風吹粉未除豐肌須小摘纖核乃中虛銷夏吾
鄉好分甘佛寺初曾留西子搗當食轉憐渠

查編修弟

嗣琛

家上舍

思贊

書來許以七夕見

過愆期不至漫賦

星期逾七夕露坐判三更河漢夜無影梧桐秋有聲愁
嫌樺燭短涼覺苧衣輕可是烏巾酒連船載不成

蟋蟀二首

暑退陰蟲健無端處處吟起看河射角坐久院橫參易
入羈人耳潛驚嬾婦心物微甘在野何用苦追尋

已被村童拾寧容古礎藏呈能矜小勇作氣恃方剛寸

草心挑戰千錢注看塲冷盆宮樣巧制器自宣皇

送徐甥焯之豫章三首

涪翁詩派授諸甥中有師川調更清我亦南州矜宅相

雁池賦雪早知名

西江詩派山谷甥居其四

繡鴨灘頭水滿磯豫章西去一帆飛
心傷慈母停鍼綫
臨發誰縫九月衣

南浦停舟霧雨迷登臨兩度倦留題
風流輸爾秋屏閣
簾幙看山盡捲西

社日送燕和查編修

嗣琛

好去炎州燕，高秋別翠櫺。
舊巢非不戀，社鼓最愁聽。
寄訊誰書札，翻飛幾驛亭。
自今諸怯薛，恣放海東青。

村夜

山昏月未明，木落霜初降。
何處夜歸人，一犬吠深巷。

顧孝廉

嗣立

過訪村居，即席懷汪奉來

郭元鈞

二徵士二首

鑑曲歸狂客，高陽命酒徒。
披緜黃雀賦，入手紫螯麈。
道

遠資雙屐

孝廉將
逾庾嶺

宵長判百觚新詩喜同調端可傲江

湖

歛郡汪文學江都郭秀才圭璋宜特達時命乃遭迴喪
子憐東野留賓少上台合并愁未得與子且銜杯

曝書亭集卷二十三

欽定四庫全書

曝書亭集卷二十四

翰林院檢討朱彝尊撰

詞一

江湖載酒集上

霜天曉角 早秋放鶴洲池上作

青桐垂乳容易凝珠露一縷金風飄落添幾點豆花雨
簾戶翦燈語草蟲飛不去坐愛水亭香氣是藕葉最

多處

高陽臺

并序

吳江葉元禮少日過流虹橋有女子在樓上見而慕之
竟至病死氣方絕適元禮復過其門女之母以女臨終
之言告葉葉入哭女目始瞑友人為作傳余記以詞

橋影流虹湖光映雪翠簾不卷春深一寸橫波斷腸人
在樓陰游絲不繫羊車住倩何人傳語青禽最難禁倚
徧雕闌夢徧羅衾重來已是朝雲散悵明珠佩冷紫

玉烟沈前度桃花依然開滿江潯鍾情怕到相思路盼
長隄草盡紅心動愁吟碧落黃泉兩處誰尋

柳梢青

和沈山子西湖後游之作

障羞羅扇花時猶記者邊曾見曲廊闌干玲瓏牕戶也
都尋徧 兩峰依舊青青但不比眉梢平遠第一難忘
重來崔護去年人面

原作

嘉興

沈進山子

十二重樓是誰珠箔雙掩銀鈎桃葉春潮楊花暮雨

一段閒愁 飛來沙際輕鷗
芳草外春風舊游團扇
歌殘羅衣試罷人上蘭舟

清平樂

秋雨宿燈公山房

秋林風絳鍾乳霜初降
應有愁猿來聽講
吠犬寥寥深巷
明星無數茅檐披衣轉
覺寒添不是山中無酒何妨
一醉陶潛

憶王孫

黃蘆紅蓼白蘋洲
一水東西南北流
舊日秋孃尚在不

石橋頭柳外斜陽花外樓

又 夜泛鑑湖

天邊新月兩頭纖鏡裏晴山萬點尖小擢烏篷不用簾
夜厭厭漸覺微風衣上添

生查子

雙眉澹遠山一髻簪寒玉鉛粉幾曾施最好新妝束
江月去茫茫不照春船宿空有酒如泉難聽琵琶曲

醉太平

題姜開先贈歌者李郎春樓月詞

支郎眼黃何郎粉香尊前一曲迴腸愛秦樓月涼公

羊穀梁

鄭清之送新薑詩公羊穀梁並出一人之手其姓則姜蓋四字反切皆姜字

鄱陽括

蒼詞人試數諸姜莫堯章擅場

梅山姜特立括蒼人

附原作秦樓月詞

會稽姜啓

天下李一般柯葉分仙李分仙李東西南祖故家苗
裔漢時有个延年李唐時有个龜年李龜年李崔
九堂前歧王宅裏

女冠子

鶯篁軟語小店槐陰無暑索寒漿一笑千金值雙蛾半
額長 愛他黃竹子織就女兒箱那得銀釭下卷衣裳

望湘人

愛蘭風兩岸梅月半牆浣紗溪上曾住步障教移燭花
漸地依約斜窺簾戶虎僕毫尖麋丸墨淡倩題詩句記
恁時卓女含情比我相如詞賦 愁思孤帆朝暮奈雙魚
消息未傳幽素到香徑重尋祇有碧桃千樹晚絲撲柳
晴絲卷燕儘自飛來飛去渾不見人面重門虛憶畫中

翁媿

思越人

小門關深徑轉昔年曾醉秦樓笑撚畫裙青案底教擡
纖手藏鉤臨行指我相尋路鏡湖一曲西去繞遍湖
塘烏桕樹知他門掩何處

探春令

萑苻夜火那年屋角伴人驚走對銀灣脈脈含情久不
道是相逢驟露華如雨凝高柳滴單衣涼透到歸來

始悔輕分手已許我攜羅袖

桂殿秋

思往事渡江干青蛾低映越山看共眠一舸聽秋雨小
簟輕衾各自寒

更漏子

吳江秋泛

楸頭船菱葉港十里冷楓門巷江八測柳千條赤闌第
四橋煮鱸香聽鴨語莫恨舟師催去空翠淡夕陽孤
飛帆度石湖

采桑子

梅宮咏古

何年越客千絲網，網住西施，看殺吳兒，貯館娃宮得幾時。
離筵白紵歌纔罷，拋了西施，遠去黃池，冷笑夫夫真箇癡。

滿江紅 金山寺

巨石孤根作去聲，弄出寒潮，嗚咽映焦山。遠樹蒜山晴雪，
水晶中冷，誰載取鐘聲兩岸。何曾歇。試層層路轉，妙高臺簾齊揭。
哀笛響風鳴葉，樓船靜沙沉鐵。望揚州一

片海雲明滅浪裏江豚空自舞天邊塞鴈飛相接把題
詩張祜問山僧猶能說

又 吳大帝廟

玉座苔衣拜遺像紫髯如乍想當日周郎陸弟一時聲
價乞食肯從張子布舉杯但屬甘興霸看尋常談笑敵
曹劉分區夏 南北限長江跨樓櫓動降旗詐歎六朝
割據後來誰亞原廟尚存龍虎地春秋未輟雞豚社剩
山園衰草女牆空寒潮打

風蝶令

石城懷古

青蓋三杯酒黃旗一片帆空餘神識斷碑鏡借問橫江
鐵鎖是誰監花雨高臺冷胭脂辱并緘夕陽留與蔣
山銜猶戀風香閣畔舊松杉

賣花聲

雨花臺

哀柳白門灣潮打城還小長干接大長干歌板酒旗零
落盡剩有漁竿秋草六朝寒花雨空壇更無人處一
光闌燕子斜陽來又去如此江山

喝火令

豆蔻熏香匿檳榔潤小脣了蘭斜插暈妝新輸與金錢
多少看取浣紗人無意曾窺宋多愁易感甄畫樓蠶
蠟射南鄰那不當牕那不卷簾頻那不收燈時候月底
踏芳塵

菩薩蠻

東莞書所見

佛桑花謝蕉心重牆陰浪感沙文擁何處采珠還素馨
添兩鬢生香藏肘後瑣細兼紅豆一唱摸魚聲都來

月下聽

東坡引

織羅輕似葛
遙山橫似抹
樽前祇見銀河闊
何人花底活
雲鬟愁蹙玉釵休
拔更纖手檀槽撥
月斜聽到歌聲滑
六么花十八六么花十八

酷相思

阻風湖口

社鼓神鴉天外樹
見渺渺江流去向晚
來石尤君莫渡
大姑也留人住
小姑也留人住
杜宇催歸朝復暮
轉

把歸期誤儘燈火孤篷愁幾許風急也聲聲雨風定也
聲聲雨

好事近

效朱希真漁父詞

新月下瓜洲重露漸成涓滴船尾漁燈紅逗映蕭蕭蘆
荻 偶然鼓柁度金山夜久梵鐘寂一縷朝痕催送報
隔江風笛

前題

李符

辟塞舊時灣留得楸頭船小數徧生涯安穩只浮家

去好 鴛鴦湖水儘寬閒
容我翠綸釣蕩入菰蘆不
見有何人尋到

洞仙歌 吳江曉發

澄湖淡月響漁榔
無數一霎通波撥柔櫓
過垂虹亭畔
語鳴橋邊籬根綻
點點牽牛花吐
紅樓思此際謝女
檀郎幾處殘燈在
牕戶隨分且敲眠枕上
吳歌聲未了
夢輕重作去聲也
儘勝鞭絲亂山中
聽風鐸郎當馬頭衝
霧

有有令

計甫草索贈吳僮時來

樽前須記記取小名兒時來方見你年便周三五看秀
靨依然媚是天生付與騷人苦吟不足添他憔悴 南
北相攜萬里且緩作五湖歸計鎮日賤裁藤角洗硯收
龍尾鈔詩更會人意問伊故里可有個延年女弟

南樓令

春水到門長春蕪繞徑香好花枝未隔東牆來往花陰
仙犬熟已無意吠劉郎 舊事費迴腸支機片石旁便

金梭投也何妨暗悔當時真箇錯無一語但形相

明月引

小紅樓上有紅妝是蕭娘是韋娘聞說他家慣自畫眉
長扇又遠遮簾又下暗塵起紫駟嘶向夕陽夕陽夕
陽斷人腸柳半塘花半牆數也數也數不盡塘上鴛鴦偏我
相思人到獨眠牀若遣個人偷嫁我拚兩槩打春潮送
故鄉

蝶戀花

碧浪湖寬天水接郭外晴嵐佛髻三雲疊纔見黃花開
穩貼一般也有悠揚蝶何處飛來江上楫妹是桃根
姊定名桃葉賦就閒情添口業研羅却羨湘裙褶

玉樓春

舊游聽說臨邛路壚畔燒春誇卓女不同新寡更風流
斷續巫山朝暮雨遙峰眉樣應如故只有琴心難寄
與從前翻恨是相逢剛道勝常看又去

殢人嬌

贈女郎細細

絕小脣朱無多眉翠算舞腰楚宮有幾犀心一綫柳條
通體比燕燕蟲蟲也還纖媚 易露簾前最宜懷裏借
片石迷藏花底一分難減千絲得繫待社日歸來與伊

相對

用東方生
細君語也

似孃兒

鏡約總難諧十年事雨絕雲乖
苧蘿未嫁西施日蘭橈
曾並畫樓曾共香徑曾諧
明白逗春懷纖纖步引上
重階小屏風對鴛鴦浴無言半晌替他整髻翻溜金釵

玉抱肚

橋頭官渡沙頭烟樹放歸船碧浪湖中短篷同聽疎雨
恨參差朔鴈何苦又慘澹江天叫秋暮城隅漸近隱隱
梵鼓臨當去重去聲分付少別經年相逢地單衫佇立

知誰畫眉嫵好春兒過了都無緒好夢兒作去聲成都無

據限仙源百尺紅牆翠禽小小不度斷魂難訴從今

憶舊事淒涼尚堪賦只怕你朱顏在也非故水又遙
山又阻便成都染就牋十樣也寫不盡相思苦

梅花引 蘇小小墓

小溪澄小橋橫小小墳前松柏聲碧雲停碧雲停凝想
往時香車油壁輕 溪流飛徧紅襟烏橋頭生徧紅心
草雨初晴雨初晴寒食落花青驄不忍行

沙塞子

白頭無賴到西泠浮小艇愛問南屏依舊是風荷十里
浴鳥沙汀 酒徒一半已凋零重過處酒幔猶青有多
少酒壚舊事訴與誰聽

惜分釵

雲鬢膩眉峰細小，脣秀靨天然媚。比紅兒更風姿一捻。
何人得似腰支師師。李波妹桃根姊，橫波微露千金。
意玉交卮乍同持，漏鼓無聲未是歸時遲遲。

百字令

富春道中

柁樓侵曉望樟亭，木末霧收川淨。誰把錢塘犀弩射衝。
落鷺濤千頃，霸業孫郎高風。巖子畢竟論誰勝，西臺寂寞。
更何人埽巖磴。最愛躑躅花繁，畫眉啼處，高下穿

紅影十載重來頭已白
愁對清江如鏡沙際鷓鴣門前
烏相引我移家與農師
漁父結鄰儘許相並

秋霽

嚴子陵釣臺

七里灘光見擁樹歸雲石壁銜
照漁火猶存羊裘未敝
只合此中垂釣客
星曾老算來無過烟波好
況有个借
隱市門仙女定娟妙
當此更想去國參軍白揚悲風
應化朱鳥翠微深鷓鴣飛處半林茅屋掩
秋草歷歷枕
樓人影小水遠山遠君看滿眼江山
幾人流涕把莓苔

婦子陵梅福女塔參軍謂謝臯羽西臺
慟哭記有化為朱鳥兮將安居之歌

祝英臺近

任城登李太白酒樓

女牆低官柳暮俯首眺齊魯冷綴苔錢斷碣眠方礎最
憐酒醞花濃好春閒度更誰解金魚換取 啓塵戶遙
見十里帆檣催人動津鼓翠杓多情容我醉方去待他
明月高時臨風歌處也未許此翁千古

百字令

度居庸關

崇墉積翠望關門一線似懸檐溜瘦馬登登愁徑滑何

況新霜時候畫鼓無聲朱旗卷盡惟剩蕭蕭柳薄寒漸
甚征袍明日添又誰放十萬黃巾九泥不閉直入車
箱口十二園陵風雨暗響徧哀鴻離獸舊事驚心長塗
望眼寂寞閑亭堠當年鎖鑰董龍真是雞狗

又

為曹使君題江南春思圖

平林縹緲望江南春色依依堪戀二水三山愁未了猶
有參差宮殿十四樓空斜陽細柳繫馬誰家院傷心玉
謝舊來惟剩雙燕最憶一曲秦淮浮橋斷板卷飛花

如霰目極寒雲千萬里吹起驚沙人面記取扁舟挂帆
歸去料得長相見新愁幾許六朝芳草吟徧

菩薩蠻

登雲中清朔樓

夕陽一半樽前落月明又上闌干角邊馬盡歸心鄉思
深不深小樓家萬里也有愁人倚望斷尺書傳雁飛
秋滿天

柳梢青

應州客感

金鳳城偏沙攢細草柳擘晴絲九十春來連宵鴈底幾

金史口人二二
卷二十四
一
日花前 禁他塞北風烟虛想像湖南扣舷夢裡頻歸
愁邊易醉不似當年

多麗

送王懷仁謫官西安經歷

滿長亭落葉西風殘日綰青絲勸斟別酒一杯知共何
夕且踟躕路歧執手莫愁他急管橫笛五斗猶分雙鳧
自在此行千里更須努力到廳事藥囊丹竈清晝甚閒
適爭誇道參軍未老幕府長揖 有高捧金人露掌削
成玉女峰色好清秋樂游原上遠勝沙南戰雲黑北斗

秦城西京漢苑登樓王粲幾殊昔灞橋外也應尋徧風
雪定相憶看來歲芳樹隴頭寄我消息

上行杯

朝雨渭城歌罷柳烟深杏花開乍細草無邊青滿野
又早夕陽西下南浦送君斟玉斝駐馬珍重意莫辭把

清平樂

馬邑道中

客何為者日月風塵惹燕子春來秋又社萬事不如歸
也家書字字行行秋深只道還鄉不信行人更遠黃

沙白草茫茫

采桑子

雲州書感

去年一丈天山雪凍鵲枝頭暢好春游到得春來祇是
愁 炎風匹馬黃塵裏又盼清秋涼月南樓到得秋來
總是愁

消息

度雁門關

千里重關憑誰踏徧雁銜蘆處亂水滹沱層霄冰雪鳥
道連勾注畫角吹愁黃沙拂面猶有行人來去問長塗

斜陽瘦馬又穿入離亭樹
猿臂將軍鴉兒節度說盡
英雄難據竊國真王論功醉尉世事都如許有限春衣
無多山店酌酒徒成虛語垂楊老東風不管雨絲烟絮

滿庭芳

李晉王墓下作

獨眼龍飛鴉兒軍至百戰真是英雄沙陀去後席卷定
河東多少義兒子將千人敵一一論功爭誇道生來亞
子信不媿而翁 前驅囊矢日三垂岡上置酒臨風歎
綠衣天下回首成空冷落珠襦散盡殘碑斷不辨魚蟲

西林外哀湍斜照法鼓影堂中

同作

曹溶

殿宿莓苔岡平巔扇虛寢遙控簾鉤義兒成隊左右
列松楸誰放沙陀雁影盤仙李飛入并州收京闕赤
心家世長拱紫宸樓 英雄誇亞子提刀百戰囊矢
前騶漸司香遺廟葬玉荒丘事去棠梨漫落滹沱化
淚點長流金鳧出伶官天下麥飯一時休

花發沁園春

王湛求方伯招同憚含萬姚注若
周雪容諸子飲郝園

蠟屐山遙浮觴溪遠愛他三徑幽獨斜陽滿地苔色侵
階人影一庭空綠名花杜曲開未了秋林書屋最好是
竹裏行厨教添沙際碁局 近識風流地主把葡萄深
杯百罰金谷接籬倒矣絳炬燒殘仰見月華如燭高城
漏促還問取勝游須續休嘲我馬上乘船玉鞭歸也相
逐

夏初臨 天龍寺是高歡避暑宮舊址

賀六渾來主三軍隊壺關王氣曾分人說當年離宮築

向雲根燒烟一片氤氳想香姜古瓦猶存琵琶何處聽
殘勅勒銷盡英魂 霜鷹自去青雀空飛畫樓十二冰
井無痕春風裊娜依然芳草羅裙驅馬斜陽到鳴鐘佛
火黃昏伴殘僧千山萬山涼月松門

晝夜樂

贈伎蠟兒

花鬢未受金鈴護被游蜂銜將去縱輸蜜勺濃甜也儘
不辛不苦自是嫌他無味誤翠濤開甕頭香聚纔得近
儂唇把春情黏住 冰絃打就繁絲縷愛冷冷風前語

同心燭下貪歡惜別淚珠難數
研就紅牋私印少撥蟲
魚小名添注積多少相思一丸書寄與

三晉釀酒多以蠟封甕口秦漢

銅章皆撥蠟鑄就

燕山亭

清明日王湛求方伯招同劉津逮趙秋水毛子霞孔子威飲金粟園杏花下

鐘鼓新晴立馬斜陽滿樹胭脂透
深映短牆曲護危闌
更綴數行風柳燕外游絲惹多少粉香紅溜依舊正一
笑花前去年時候
况值寒食佳辰問挑菜何人鬪雞
曾否春衫試罷玉笛吹殘須盡百壺清酒剛得黃昏又

卷二十四
疎影月明如畫搔首想來歲故園渡口

太常引

題姜夫人淑齋詩卷

三真六草寫朝雲幾股玉釵分髻髻衛夫人問何似當年右軍
鬱金堂上青綾帳外小字訝初聞門掩謝池春定書遍雙鬟練裙

蘭陵王

過晉藩舊邸

馬蹄捷遙望參差雉堞斜陽外芳草斷垣朱邸猶存舊
城闕平臺歌吹絕禁得黃鸝調舌妝樓畔烟柳數株時

見柔條路人折 閒尋老翁說記帶指黃河圭翦桐葉
霓旌千騎春山列任桂樹招隱鴈池斟酒回眸琴瑟看
盡滅問誰是豪傑 明月最悽切聽短笛飄零哀角鳴
咽葳蕤不閉牕紗裂有藥鼎霜碓畫廊塵屨呆魚深鎖
兔苑冷一片雪

河傳

送米紫來入燕

南陌歸客紮騶驕水驛山椒路遙落花如雨烟外飄河
橋折殘楊柳條 別酒西堂官燭短紅玉盃醉也休辭

金人北史卷之二十一
卷二十四
滿漏聲催且徘徊一杯勸君更一杯

風蝶令

送霍二還曲梁

南浦山無數東城月乍懸離堂筇語燭花偏愁殺斜飛
金雁十三絃漳水流殘雪叢臺散曉烟酒家疎雨杏
花天繫馬紅樓深處阿誰邊

蝶戀花

重游晉祠題壁

十里浮嵐山近遠小雨初收最喜春沙軟又是天涯芳
草徧年年汾水看歸鴈繫馬青松猶在眼勝地重來

暗記韶華變依舊紛紛涼月滿照人獨上溪橋畔

釵頭鳳

逢呂二梅

紅亭右清溪口門前總是春楊柳當壚語遮人住玉鞭
墮也酒錢拋與數數數橫波溜深杯又意中盟誓卿
知否同心苴相思樹雙飛蝴蝶鎮長一處許許許

畫堂春

徐溝道上作

東城朝日亂啼鴉雨晴芳草天涯輕塵初碾一痕沙何
處香車春水青羅帶緩春山碧玉簪斜春風依舊小

桃花花外誰家

桃源憶故人

祁縣登樓作

高樓百尺誰家院，靜鎖葳蕤春晚。
可惜鰕鬚簾卷，只是無人盼。
登樓搔首斜陽滿，風起落花如霰。
可惜鵝兒酒煖，只是無人勸。

太常引 寄呂二梅

美人曾記翠琅玕，無計報青鸞。
日暮碧雲寒，却似隔千山。
萬山幾回明月一聲玉笛消息，隴頭難小鳳，縮雙

鬟又何處春風畫欄

步蟾宮

代州伎有小字白狗者晨往曲中訪之
不值戲投以詞

疎簾日影纔鋪地却早被金鈴喚起朝雲一片出巫山
盼不到黃牛峽裏仙源乍入重門閉任閒殺桃花春
水劉郎去了阮郎歸算只有相如伴你

青門引 別晁靜憐

賦別江淹多情杜牧朝來遠送一杯千里廣武城邊鴈
門關外行徧板橋沙市且與同今夕玉山頽羅裙重倚

月斜箏柱淚消蠟照風鳴牕紙
盼取桑乾河水悵不
斷柔情澹迴難似巫峽雲歸
章臺柳暗應記曾分瓜字
縱有相思句怕飛來塞鴻迢遞
自今贏得春游詩卷頻

題黃四

靜憐
行四

一斛珠

贈伎餅兒

肌香冰雪生成命薄愁重疊
近人三五圓時月弱似春
絲瑩比玉盤潔
溫柔休把紅綾涅
翻來覆去轉心熱
多少垂涎恁時節
風韻他年留待夜深說

東哲餅賦弱
似春絲白如

秋練又云行人垂涎於下風唐聞喜宴賜進士紅綾餅
各一枚吳筠餅說爽爽曉風淒淒夜冷臣當此景惟能
餅說

蘇幕遮

別王千之

朔雲垂霜鴈過上苑秋深一帶寒烟鎖數歸期猶未
果無事長安空把征衫浣折黃花傾白墮又是驪歌
送客旗亭左我淚別君君別我莫灑臨歧留作相思可

南樓令

倩人寄靜憐札

瓦市塞雲涼封書遠寄將小樓前一樹垂楊縹緲試聽

樓上曲催短拍玉娥郎 雙袖越羅香人同錦瑟長愛

秋花慣插釵梁行四曲中人定識只莫問謝三娘

謝三娘不

識四字宋
時謠也

醉春風

送陸集生孝廉還華亭

文采機雲後當代論耆舊橫汾千里自西來驟驟把
袂中秋銜杯幾日送歸重九 素業清江口丙舍今存
否萼鱸忽動故園情又又又瘦馬秋塵亂山落日板橋

疎柳

最高樓

登慈仁寺毘盧閣

登珠閣落日在檐楹鐘鼓報新晴玉驄嘶罷飛塵起
卓鵬沒處冷雲平且銷憂千里目異鄉情望不盡軍都
關一面流不盡桑乾河一綫南北路短長亭寒沙莫辨
蘆花白秋霜未脆柳條青步踟躕松陰轉月華生

金明池

燕臺懷古和申隨叔翰林

西苑妝樓南城獵騎幾處茄吹蘆葉孤鳥外生烟夕照
對千里萬里積雪更誰來擊筑高陽但滿眼花豹明駝

相接剩野火樓桑秋塵石鼓陌上行人空說 戰鬪漁
陽何曾歇笑古往今來浪傳豪傑綠頭鴨悲吟乍了白
翎雀醉歌還闕數燕雲十六神州有多少園陵頽垣斷
碣正石馬嘶殘金仙淚盡古水荒溝寒月

飛雪滿羣山

燕京歲暮作

椎髻鴻妻蓬頭霸子故園消息誰傳雪花如手同雲萬
里幾回搔首茫然黑貂裘敝矣況兼東郭先生履穿一
點孤燭兩行鄉淚惟有影相憐 豈不念飛帆歸浙水

歎舊游零落無異天邊竹林長笛鴿原宿草又誰勸酒
壚前薄游成久客惹霜鬢愁添去年更無人問長安市
上空醉眠

滿江紅

贈吳佩遠

蕪沒田園都不戀五湖鰕菜長只是簫吹市上劍歌天
外千里曾經龍戰地頻年偶住雞鳴埭正昭王臺畔酒
人稀逢君在窮巷隔無車蓋當暑靜弛巾帶向招提
偶坐儘還瀟灑作賦最須憐趙壹

時吳江趙山子在坐
有贈吳子詩甚工

鼓刀應許同朱亥，問白頭如雪幾時歸。
銜杯再

鳳凰臺上憶吹簫

和梁尚書傷逝作

寶鏡塵昏綠雲天，遠燕飛不到釵頭。
悵花封錦誥書拆，銀鈎多少吟牋。
筆陣鉛華謝一夕，都收傷心是啼蛄。
弔月長簾驚秋，今休他生未卜，問碧落茫茫何處堪留。
剩無情哀鴈，偏度妝樓。只有安仁能誅看遺挂，那忍回
眸持籌慣凝思，五曹難算新愁。

鎮西

送陳六謙之官安邑

雪晴鳩鵲正酸風交射河橋外鴈壺重瀉沈吟者計郵
籤此去娘子關西春光滿野琴堂到時元夜 蘭燭地
玉鈎山翠曉畫簾靜也料哦松合多亭榭堪游冶笑丞
哉何負紙尾交箝龍蛇恣寫須添墨池官舍

意難忘

金犢香車問禿襟小袖上苑誰家粉勻全露頸雲膩細
飄花柳陰重石橋斜春水浸芹芽想薄寒曾傾醅酪臉
暈朝霞 高城容易天涯有氍毹氍帳自在藏他錦韉

馱叱撥紅燭理琵琶
須記取畫蟬紗
展挂玉鴉又更教
添一羣蕃馬細草平沙

八歸

丁未燕京除夕同表兄舟石家兄夏士守
歲作

爐存炭獸香浮樽
蟻天涯又記除日
尋思四十明朝是
轉覺客懷難遣
歲去堪惜旅館亂
山殘雪夜幸款語
相逢茲夕試屈指
二十年來幾度在
鄉國南粵東甌西
晉而今漂泊漫索
長安杯炙何甥謝
舅周郎陸弟舊事
淒涼空憶且呼童
秉燭好把新詞共
題壁笑諸兄興還

不淺爛醉狂歌看余鬢翻白

紅娘子

正月十三日夜同毛子霞張登子集王
湛求方伯齋中

桑落甘如蔗齊向樽中瀉北斗春迴西堂燭膩沉沉此
夜喚薛家車子近前歌勝名倡賽姐 纔把鄉愁卸又

早春愁惹繞陌香塵橫汾花月東風臺榭莫匆匆上馬

且銜杯任鈿車歸也

是日
立春

臺城路

十四夜

層城已下葳蕤鎖華堂更浮春酌水浸銀屏花移火樹

人在瑤天笙鶴微風繡幕看蛺蝶翻飛鳳凰飄落八尺
輕容美人無數卷珠箔 銅盤翠烟籠霧有水藻掩映
畫闌紅藥明月難留春宵易曉只合人生行樂箏琶間
作任笑舞燈前綠牕齊拓問夜何其拚醉歸似昨

春從天上來

元夕

好月初升見翠霧霏霏霜色稜稜博山香滿不夜珠澄
連夕有酒如澗況星橋開鎖細翦就湘綺吳綾碧瓏玲
有冰荷卷葉馬乳垂藤 江鄉故人堪憶歎雁後花前

幾度愁凝錦字應挑紫姑空卜歸夢萬里難憑想年來
憔悴拋雲髻綠髮鬢鬢曲闌凭向小牕深處一點篝燈

南歌子

贈伎張綺綺

酒醞金船勸衣香石葉熏猶恐未消魂喚伊歌一曲月

中聞

時伎宋玉環
吹笙和之

虞美人

寒食太原道中

去年寒食橫汾曲曉雨平蕪綠今年寒食尚橫汾又聽
錫簫吹入杏花村古今多少橫汾客飲馬臺駘澤并

州雖好不如歸
輸與一雙新燕
舊巢飛

曝書亭集卷二十四

欽定四庫全書

曝書亭集卷二十五

翰林院檢討朱彝尊撰

詞二

江湖載酒集

中

木蘭花慢

上元

今年風月好正雪霽鳳城時把魚鑰都開鈿車溢巷火
樹交枝參差鬧娥歌後聽笛家齊和落梅詞翠幌低懸

景艷紅樓不閉葳蕤
蛾眉簾卷再休垂
衆裏被人窺
乍含羞一晌眼波又擲
鬟影相隨
腰肢風前轉側却憑
肩回睇似沉思料是金釵溜也不知
兜上鞦兒

骨馬索

送崔二再游黔中兼訊李斯年

玉驄嘶須把青絲骨
他住燕歌易酒莫辭
今夕離亭聚
浮雲一望綠波千里滿
目銷魂江淹賦計
落花時節黃
陵楚竹湘烟響柔櫓
行旅羅施天末木瓜
金筑且伴
參軍作蠻語亂水孤舟
逢人少惟有冷猿昏
雨南尋李

白問訊何如為報頻年相思苦道故人別來詩卷總是
人間斷腸句

沁園春

送葉元禮之真州

游子何之迤邐雷塘二十四橋正梅花如雪烟籠寒水
垂楊拂地雨漲春條江左文章竹西歌吹麗句爭傳勝
六朝褰簾處報玉驄到也紅袖齊招 當年瓜步停橈
有桃葉桃根送晚潮悵荆雲隔浦難邀夢雨秦樓按曲
曾聽吹簫舊事堪尋長牋得寄便欲從君訪翠翹沉吟

久怕重來不見見又魂消

宣清 送米紫來之官建昌

別酒初醒曉月猶懸天街蓁蓁畫鼓滿汀洲柳憚白蘋
灑船牕孫楚零雨昌邑城邊宮亭湖畔南州樂土且攜

將法曹詩風流香令同賦

紫來以司李改補

記九疊芙蓉五

峯瀑布當年曾望處想廳事花陰疎簾乍卷向畫中看
小米雲山無數載鳴琴臨流喚渡任優閒寄情毫素長
安布衣判留滯經春盼仙鳧一雙飛度

賣花聲

背郭鵲山村客舍雲根落花時節正銷魂又是東風吹
雨過燈火黃昏 獨自引清樽鄉思誰論聲聲滴滴夜
深聞夢到江南烟水闊小艇柴門

菩薩蠻

夕陰秋遠樓邊笛笛邊樓遠秋陰夕磯斷綠楊垂垂揚
綠斷磯 霧深疑細雨雨細疑深霧門掩乍黃昏昏黃
乍掩門

青玉案

臨淄道上

清秋滿目臨淄水一半是牛山淚此地從來多古意王
侯無數殘碑破冢禾黍西風裏青州從事須沉醉稷
下雄談且休矣回首吳關二千里分明記得先生彈鋏
也說歸來是

轉應曲

安丘客舍對雨

秋雨秋雨一半回風吹去晚涼依舊庭隅此夜愁人睡
無無睡無睡紅蠟也飄秋淚

柳梢青

馬上望瑯琊山

遵海南耶我行山路朝儻非耶遙望秦臺東觀出日即
此山耶 崖光一綫雲耶青未了松耶柏耶獨鳥來時
連峯斷處雙髻人耶

點絳脣

濟南九日兒子南還賦此

開徧黃花年年九日他鄉度闌風長雨那有登高處
西北南東祇送歸人去呼兒語暫同綠醕誦我悲秋句

六么令

壽劉宣人編修用劉氏事

張南周北繪正金華歸沐孝綽青藜然徧向詩膽如天

誰得似又五字長城堪羨長卿海內能觥翊雒中雅雅

釋宏演 洵美升堂彥楨公非公是才華兄弟齊擅啟放

試擬天半朱霞詩雲中白鶴歎未比文心遠總自有

寒山叢桂在安那問仙源深淺遠之乘月登樓琨閉關

頌酒伶初度書皇覽劭荊州相倚依然舊日王粲表

霜天曉角晚次東阿

鞭影匆匆又銅城驛東過雨碧羅天淨纔八月響初鴻

微風何寺鐘夕曛嵐翠重十里魚山斷處留一抹棗
林紅

塞孤 高唐道中晚行作

五更風一翦蘆簾啓挂壁燈飄紅穗仰視昂車星瑣碎
穿曲巷嘶輕騎松門掩木魚聲草火濕秋螢尾愛涓涓
響橋下流水 莫辨斷塔稜亂結啼鴉隊月影潛消衣
袂幾處炊烟茅店起葭露白籬花翠日已上最高樓霞
又散無邊綺未輸他斗帳人睡

瑶花慢

寄酬陸我謀表叔

由拳城北童穉情親記數陪
羣屐兵戈轉眼三十霜
一水蒹葭人隔沙隄盡改算
往事都成陳迹剩白雞
夢後荒墩朱雀橋邊斜日
寸心忽憶離居荷千里題書似
親顏色齊紈皎潔詩句好
髣髴玉溪風格一彈三歎勝
鼓却朱絃瑤瑟但相逢
蒼雁蘋鱗報我春鷓秋蟀

采桑子

寄贈史雲臣

梅谿樂府真同調把袂偏遲
曾寄相思載酒江湖杜牧

之 緇塵不到橫塘路穩卧山茨醉詠新詞春雨梨花
燕子時

真珠簾

寄陸郡守兄孝山

離居消息沉雙鯉料因是地闊天長難寄見說訟庭閒
但逍遙文史小小谿亭移岸北搖白羽風蓮秋水猶記
聽子規落月夜闌同醉 嶺表十四年來伴參軍蠻語

也應憔悴不見璽書增老潁川循吏且飲修仁江上水
莫便作匆匆歸計差喜有西牕翦燭故園兄弟

謂次友
融谷也

清平樂 送沈融谷再游南雄

京華嬾住又向雄州去
匹馬遙尋桃葉渡
穩送輕帆柔櫓
朔雲南雪冬春鴈書欲寄無因共惜行人路
遠不知身是行人

瑤臺聚八仙 題錢舍人望廬集句詩

苦憶丁香花發後
潞水歸計初諧秋帆一葉放溜直渡
清淮蟹舍尊鄉能幾日
又誰知樂事全乖暗塵埋紉兒
卷幔燕也分釵 堪憐此日騎省寫哀思
不住總為情

差人已駭鷹尚教營奠營齋青天碧海夜算明月何

從更墮懷燈前淚滴秋風長簟暮雨空階

皮日休詩五更看月是情

差元稹遣悲懷詩今日休錢
過十萬與君營奠復營齋

點絳脣

九日同顧寧人陸翼王登孫氏石臺賦
呈退翁少宰

花徑登臺舊時此地重陽讌天涯相見最喜翁猶健

望極疎林瑟瑟金風翦憑闌徧夕陽一片送盡南飛雁

百字令

偶憶

橫街南巷記鈿車小小翠簾徐揭綠酒分曹人散後心

事低徊潛說蓮子湖頭枇杷花下縮就同心結明珠未
斛朔風千里催別 同是淪落天涯青青柳色爭忍先
攀折紅浪香溫圍夜玉墮我懷中明月暮雨空歸秋
河不動蚪箭丁丁咽十年一夢鬢絲今已如雪

訴衷情

記得鈎簾深夜起小庭中人不語豆葉響秋蟲月底粉
光融弓弓鎖蓮篔簹紅滿衣風

邁陂塘

題其年填詞圖

擅詞場飛揚跋扈前身可是青兕風烟一壑家陽羨最
好竹山鄉里攜硯几坐卷畫溪陰裊裊珠藤翠人生快
意但紫筍烹泉銀箏侑酒此外總閒事 空中語想出
空中姝麗圖來菱角雙髻樂章琴趣三千調作者古今
能幾團扇底也直得樽前記曲呼娘子旗亭藥市聽江
北江南歌塵到處柳下井華水

角招

裂帛湖春游作

冷波濯城西路曉來燕子齊掠龍舟今寂寞卧柳斷橋

總被藤縛山雲漠漠漸作去聲弄春陰如幄小雨濃烟披

薄知他花外誰家尚依然亭閣佳約好春過却輕寒

正怯肯把紗牕拓海棠開又落碧草溟濛東風還作麴
塵猶昨偏濕了秋千紅索料是羞登牆角試吹動賣錫
簫應窺著

十拍子上上巳逢錢葆馥舍人賦

曉陌重逢嘶騎秋帆記送歸船纔到燕臺寒食下恰值
蘭亭禊飲年和風淡汀天燕羽齊侵小院柳絲乍擘

晴絲試傍玉河堤畔去定有紅裙水上湔須攜酒十千

玉樓春

伎席

蟲蟲本愛穿花徑改席迴廊翻道冷歌時小扇拍猶嫌
醉裏香肩憑未肯情知並坐無由並且喜眉梢遠相
映待他月上燭斜時壓住影兒應不省

鵲橋仙

席上贈伎張伴月

吳歌白紵吳衫白紵只愛吳中梳裏十年四度到京華
纔一霎樽前同坐秋娘聲價秦娘聲價風韻當年湔

過迢迢明月碧羅天誰伴取張星一箇

又

橫汾清濟十年舊事祇恨玉鞭歸暮碧桃先自笑春風
全不待社公新雨章臺穉柳漢南移種憐取柔條最
苦游絲無力強天斜萬一把飛花黏住

步蟾宮

席上同沈六贈伎

越羅垂地湘裙匝淺露著鞵幫紅狹尋常已是不分明
況一點紗籠殘蠟玲瓏骰子拋時霎遙勸酒觥船纔

壓月高先自下階行又何處為雲巫峽

前題

平湖

沈岸登

覃九

雪花未淨侵階滑奈小小鴉頭羅幃惱人三五月朦
朧數不定風鬟十八歌闌纔把觥籌撒聽去也一
聲愁煞樽前相對且無言又那得相思書札

河傳

題譚天水小像即送其入閩

嶺外傾蓋日招尋一別愁深至今木棉花底榕樹陰獨
吟江潭憔悴心忽漫相逢燕市酒嗟未久萬里仍分

手度吳關到閩山艱難知他別後顏

南鄉子

拜客庭陰眼波容易逗人心縱得相逢無一語臨去鬢
滑落花黏不住

一翦梅

題汪季角舍人錦瑟詞

錦瑟新詞鳳閣成贏得才名不減詩名風流異代許誰
并是柳耆卿是史邦卿 閒悶閒愁讀罷生吾亦多情
那得無情問何人解按銀箏說與君聽先與吾聽

水調歌頭

得曹秋岳侍郎札却寄

朔鴈度紅峴秋樹冷金臺故人憐我久滯隔歲一書來
楓橘山亭應滿薑蔗湖田無恙別業古城隈范蠡祠東
月恰照小門開 八行發三過讀轉徘徊栖栖南北何
事瘦馬倦黃埃行處藤屨竹傘坐處蓴羹茗麪儘可共
銜杯只此辦歸計歲暮草堂回

又 送諸駿男赴楚撫幕

雲幕近開府鄂渚舊名邦游人此去萬里風動碧油幢

上馬能橫大槩下馬能書露布筆陣鼎應扛記室古來
有意氣爾無雙 瀟瀟雨聽木葉泝空江平沙歷歷斷
鴈楚火照船牕赤壁山前故壘鸚鵡洲邊秋色千古怒
濤撞不淺南樓興誰共倒深缸

又 送鈕玉樵宰項城

吾最愛姜史君亦厭辛劉經過燕市多暇歌酒互相酬
自向金門索米君亦牽絲作吏臨別始添愁檀板按新
曲此事尚能不 雷封好項子國古陳留江南風景宛

似烟月北揚州也有疎簾清簟也許樽前家宴隨意發
清謳三十六賴鯉莫忘寄輕郵

百字令 自題畫像

菰蘆深處歎斯人枯槁豈非窮士勝有虛名身後策小
技文章而已四十無聞一丘欲卧漂泊今如此田園何
在白頭亂髮垂耳空自南走羊城西窮雁塞更東浮
溜水一刺懷中磨滅盡回首風塵燕市草屨撈鰕短衣
射虎足了平生事茫茫天下不知知已誰是

又和韻送曹子顧學士還南溪

十年相別又相逢
攜手旗亭同入試
話長安歌酒伴客
久鄉音翻澀正好
歸帆溪南如畫紅
葉新霜濕衡門深
閉三冬且學龍蟄
猶剩百八株桑一
千頭橘酒債還堪
給萬里山川歸腹
笥不用巾箱收拾
三影新詞八又麗
句箏鴈參差立
衍波題就白藤閒
織書笈

同作

平湖

沈岸登

征帆江北又江南
一曲黃灣深入鴈
齒紅橋深柳巷

聽唱新詞猶澀瓜步寒潮蒜山晚渡幾點霜鷗溼重
陽過了拂雲石燕初蟄試問姪女鑪頭酒錢細數
誰把金魚給別後南溪溪畔路賦罷蠻牋爭拾老圃
笑
觀梅輕舟載鶴勝向花甌立十洲五岳畫圖看滿瓊

風中柳 戲題竹垞壁

有竹千竿寧使食時無肉也不須更移珍木北垞也竹
南垞也竹護吾廬幾叢寒玉
晚來月上對影描他橫

幅賦新詞竹山竹屋郢筒一東筍屨三伏竹夫人醉鄉

同宿

竹山蔣捷詞名竹屋高觀國詞名也

長相思

紅橋尋歌者沈西

石橋西板橋西遙指平山日未西舟來蓮葉西 人東
西水東西十里歌聲起竹西西施更在西

蝶戀花

揚州早春同沈覃九賦

十里雷塘歌吹遠柳巷人家蘸水鵝黃淺游子春衣都
未換鈿車早已東城徧 妝冷罷遮蟬雀扇最恨微風

不放珠簾卷斜露翠蛾剛半面心飛玉燕釵頭顫

同作

沈岸登

是處梅花香近遠點點苔枝漏泄春光淺歎息年華
看又換踏歌聲按揚州徧睡起雲屏山六扇羅帳
無人一任東風卷細馬馱來嬌滿面凭闌小語聽猶
顫

思佳客

杜牧秋霜染鬢多樽前無奈紫雲何春風澹澹三城夜

暮雨瀟瀟一曲歌
眉解語眼橫波
更看柔弱舞雙鞵
黃姑悔不憐
湏女狂自含情
盼隔河

東風齊着力

延平道中

百雉城開雙龍津
合鐵鎖浮梁千家斷
續三面水雲鄉
繫纜沙邊且住
織絳軟五月猶涼
休催去冷風閣上置
酒何妨
巨石擁中央
舟一葉過時險甚
瞿塘竹雞啼
罷飛雨暗叢篁
處處水輪山碓
炊烟動菰米偏香
灘聲急斷磯青樹
又挂殘陽

江城子 飲道山亭

城隅一徑躡層冥坐孤亭啓疎櫺螺女江昏風急鯉魚
腥懊惱鷓鴣啼不住烟雨外荔支青 蒼苔乍洗讀遺
銘問山靈幾人經喚取深杯石上挹湘醺最好紅山橋
外月先為我出遙汀

南鄉子

游鼓山題靈源洞壁相傳五代時有高僧喝水水移他處遂涸

披霧曉同游竹杖籃輿各自由翠磴紅亭三十里淹留
行到松門路轉幽 僧飯雨初收風末鐘聲樹杪樓多

事山僧曾喝水橋頭只少飛泉一道流

點絳脣

歸次浦城寄酬高雲客

幾日銜杯回眸咫尺榕城阻齊紈垂露不寫離情苦

南浦橋邊總是銷魂樹山無數澀灘柔櫓惆悵歸時路

尉遲杯

七夕懷靜憐

吳綾白偏愛縫雙袖鴉翎黑多應北里新妝怕墜尋常
標格微風簾額看露葉中庭盡秋色記鱗鱗月底踈雲
曾照勾闌吹笛 一自細馬馱歸刺羅帕當時別淚偷

拭最恨初鴻銜蘆塞上不遞愁人消息枉飛度河橋山
驛想柳外高樓長如昔更何年並坐穿鍼六度淒涼今
夕

西谿子

那日樽前同坐剛值上元燈火引杯深賭葉子拋骰子
醉裏交呼小字舊事暗沉吟到而今

一翦梅

子夜琴心調乍翻放誕文君多病文園柔腸繫處酒杯

濃骰子巡拋射覆更番
紅蠟連燒花燼繁斜對雙蛾
暗蹴雙鴛不應草草放他歸去便如期來便空言

百字令

元夕和陳山農韻

落梅歌斷笑六街春靜者
番燈夕猶有蟬紗蘭燭膩山
水米家真蹟樂府偷聲故人相見
鳳紙題還濕深杯莫
放迴腸更話疇昔
年少金鴈箏邊銅駝巷口酒力輕
寒敵醉倚紅妝呼小字
忘了天涯為客折柳章臺沉珠
漢曲嬾問閒消息三分明月二分偏照頭白

擊梧桐送曾道扶歸里

風雪寒如許偏灑就宣武門西歸路況是殘年也問何
事幾日留君不住離歌斷續離亭長短目送離人此去
瘦馬河橋外想除夕守歲題詩何處江上梅花津頭
柳色一葉扁舟淮浦絕勝陶彭澤腰未折早返柴桑衡
宇惆悵孤蹤留滯竹垞歸夢有小園獨樹待明年南湖
秋月與子同賦

秦樓月

風蕭蕭夕陽古岸盧溝橋盧溝橋沙迴小市柳折長條
誰家紅袖揚輕綃暮塵十里車遙遙車遙遙銀燈翠
被何處今宵

百字令

酬陳綿雲

過江人物數君家伯氏辭華無敵比歲才名驚小謝聽
說尤工詩律二陸三張隻丁兩到聲動長安陌新詞贈
我居然黃九秦七可歎岐路西東浮雲零雨別思同
蕭瑟此日高陽逢舊侶一半酒人非昔碣石離鴻香山

落葉風雪重游歷池塘裏試尋髯也消息

輓繡毬

歲除同兒子對雪懷鄉里作

寒雀斂層檐正萬里同雲催暮去年曾記梅花溪上童
孫喧笑紛紛團就玉獅鹽虎回首亂山如許對孤燭
異鄉同住遙憐千里老妻無恙竹垞門掩多應壓徧小
園高樹

解佩令

自題詞集

十年磨劍五陵結客把平生涕淚都飄盡老去填詞一

半是空中傳恨幾曾圖燕釵蟬鬢不師秦七不師黃
九倚新聲玉田差近落拓江湖且分付歌筵紅粉料封
侯白頭無分

摸魚子

送魏禹平還魏塘

一身藏萬人海裏姓名慵注官簿秋深門巷堪羅雀只
共酒徒為伍君又去認百疊寒山似綫鄉關路冰霜最
苦盼到得江南平波斷岸猶及冷楓舞竹林伴依舊
攀嵇交呂笛家琴調簫譜燕臺縱有尋春約忍負鏡邊

暑嫵君且住算我便歸遲定不過闌暑高荷大芋待縛
个茅亭能來夜話同聽紙牕雨

金縷曲

寄譚七郡丞兄在榆林

一別三重九歎年來燕臺寂寞酒人非舊遙望秦川邊
沙遠客淚徒盈襟袖想塞下秋來風候白草黃榆天無
際問圖書何處消閒畫泉一勺秫千畝同心最苦離
居久藉雲鴻題書萬里往來亭堠悔不短衣從兄去獵
馬千羣關口便作使秦娥行酒酒後狂呼雙耳熱更彎

弧射碎轅門柳窮塞主可能否

同賦

沈岸登

朔鴈驚飛起憶前年酒壚擊筑和歌燕市一自盧溝
橋頭別滿眼斜陽流水悵去路雲山無際強欲尋君
惟有夢奈夢魂不度三千里君憶我定相似 虛慚
蹤跡天涯寄但逢迎五陵裘馬有誰知己翻羨一官
乘邊障苦愛賓朋友史况蘆酒那堪醉燕頷書生
還未老拚從軍共作封侯計帶圍減且休矣

又寄李武曾在貴竹

誰共金臺醉記年時酒徒跋扈盡呼朱李上已浮杯恩
恩別雲散風流天際報一一平安書寄鄴下雙丁齊入
座有多才繡虎稱前輩交唱和令公喜 離羣最易添
憔悴況而今相如賦賤鷓鴣都散老去沉吟無長策仰
屋著書而已但疑義須尋吾子秋錦堂前凋錦樹問灌
園何日歸長水倚閭望幾年矣

又答朱十

李良年

尚憶青門醉正鞦韆翠裙入望帝城桃李君向揚州
吾湘漢身與沙鷗無際感此日瓊枝先寄別後眠餐
應似昔奈浮雲聚散傷同輩緘未拆雜悲喜 頻年
淚滴芳蘭悴況天涯歲華易改錦鞵俱做退谷僧坊
留題處舊事淒涼何已若天定憐才子潘耒查容無
恙在伴竹垞老去同烟水楚江柳又青矣

又 同周鄒山陳眉倩飲嚴太僕齋中醉賦

滿目悲秋賦悵征塗衣裘盡典酒錢難數賴有城西嚴

太僕肯與荆高為伍拚痛飲忘形爾汝客罷長齋如泥
慣更孟公投轄多豪舉觴百罰氣如虎 天涯幾得良
宵聚憶連年東西吳越後先齊魯主便不留宿也宿何
況留宿不去任醉尉頻訶歸路我困欲眠公莫笑聽街
頭遮莫夔夔鼓還坐起為公舞

又 送陳參議祺公之官廣西

鴈塞分襟驟七年來關河迢遞合并難偶草草殘春相
逢乍通路亭邊攜手恨不見李生良久 天生待踐深秋

也天生

待踐深秋

雞黍約奈忽忽畫鷁津門口萬里別一杯酒 丹砂此
去鄰勾漏沂蠻江人家兩岸綠榕紅豆才子從軍繇來
事況是黃金懸肘擁千騎弓刀前後聽取連營長短笛
譜武溪一曲南征又嶺外嶺柳州柳

百字令

索曹次岳畫竹垞圖

杜陵老矣共丹青曹霸白頭漂泊花柳春殘都未見底
事燕南樓託略約長堤嘔啞柔櫓只憶江鄉樂吾廬何
處斜陽芳草村落 況有蔗芋閒田竹梧舊徑客至堪

杯酌試畫三楹茅屋矮隨意圖書簾幙峽石東西橫山
近遠密樹遮雲壑明年歸去小樓添向牆角

渡江雲

送蔣京少入楚省觀

萋萋街鼓歇驚沙紛卷白日淡幽州望疎林郭外翦翦
酸風感栗響籬頭三杯兩瓊旗亭酒怎把人留看一霎
鞭絲茸帽驅馬度盧溝離愁萬重烟樹千疊雲山縱
相思夢有尋不到清江古渡黃鶴空樓趨庭正值椒花
讌醉春盤儘許風流能記憶買田陽羨人不

應天長

鄭雲直招飲虎丘酒肆

三山曉徑七塔夜燈曾同闔嶠游
展零雨斷蓬別後迢迢
迢夢魂隔西丘寺一片石愛綠樹濃陰
敲側風林杪未斂斜陽猶照蟬翼
六載一相逢杯酒纔持那知是離席
不見赤闌橋下催人有蘭鷁荆高侶
燕市北肯忘了江鄉秋色紅蓮飯
玉破鱸魚須待歸客

點絳脣

小院疎簾酒邊最憶年時事
箇人纖麗合喚輕輕字

墮葉飄花再見渾無計
蘭燈翳那回微醉悔不香肩倚

向子諷有席
上贈輕輕詞

河滿子

羊侃姬名靜婉謝娘婢
喚芳姿最憶紅牕來去慣塗妝
綰髻多時簾底頻搖扇子
掌中曾拓鞦兒 萬里猶傳
消息三年偶誤歸期
碧玉無端偷嫁了空餘方寸相思
輸與廬江小吏黃蜂粉蝶
雄雌

天仙子

鴉翅雙盤垂秀領翠羅衣薄風難定全身都被月華窺
天上影波底映却似曉妝前後鏡

十六字令

繁一樹丁香花壓闌心憐惜不向鬢邊看

祝英臺近

題汪舍人少壯三好圖

楮先生劉白墮此外也無个減字偷聲雙調儘教和囑
他小小蟲蟲輕輕燕燕都不許兩眉春鎖且深坐假
若閒却芳年行樂甚時可暗悔從前所好未曾果料難

老眼鈔書迴腸度曲但餘醞不妨留我

臨江仙

和成容若見寄秋夜詞

倦柳愁荷陂十里一絲鴈絡晴空酸雞漸逼小庭中魚
雲難掩月豆葉易吟風才子年來相憶數經秋離思
安窮新詞題就蜀牋紅雪兒催未付先寄玉河東

又寄酬李十九

問訊謫仙今好在年來酒債都消園花閒付嬾童澆題
詩過水寺種秫隔溪橋白髮自憐歸未得生涯老漸

蕭條尺書虛負故人招
秋風茅屋破梧葉幾回飄

又

藥甲齊開更斂柳絲欲起還沉
一春閒望費愁吟酒旗
風著力花事雨驚心
巷窄鴉兒不吠樓高燕子難尋
熏爐小篆疊重衾綠陰猶未滿
庭院已深深

又

人日訪汪苔文戶部往堯峰山莊不值

苦憶苔華書屋別來幾度相招
衝泥江郭不辭遙堯峯
春最好人日酒先挑
想見青鞵踏處梅花開徧烟條

東風溪上雪初消
落帆光福市吹笛
虎山橋

西地錦

送錢爾載之河中

到此轉愁君去且
踟躕岐路遙山一抹
初鴻幾點又疎
疎秋雨 鶻雀樓頭
凝竚定懷人題句
他鄉歲月故園
燈火話兩家兒女

更漏子

送陳山農入閩

鹿谿南閩嶠路記
我舊曾游處灘黯
淡石嶺玩兩邊都
是山 渡螺江尋小
艇蒨芳宜登絕頂
長慶寺足栖遲

須留啜荔支

醉花間

送王古直還西湖

愁君去送君去君去西湖住小閣鏡中懸是月初生處
羅裙芳草渡一一鳴柔櫓扶上七香車長定門前遇
浣溪沙

七澤三湘道路重纖腰來自楚王宮玉簪無力鬢雲鬆
妙舞定過張靜婉小名未記陸龜蒙惱人臨別始相
逢

暗香

初夏飲何侍御蕤音占藤書屋

石闌一半讓酒人占取斜陽深院密葉層檐幾日輕風
勝刀翦靜對芳陰百尺宛似泊南湖南岸只少却柔櫓
嘔啞遙指點小橋畔相見意款款任一詠一觴少長
交勸繁英落徧涼月紛紛夜零亂多少長安旅話算鄉
里同游應罕催漏鼓浮鑿落醉還不帶

洞仙歌

送陳康侯入楚

雪晴池館悵離筵難又輸與游人鬧燕九憶橫汾策馬

通路挈舟都不似此度忽忽分手 遙山何限隔行盡
窮沙盼到青青武昌柳後夜苦懷人一紙相思報碣石
輕鴻能否算者舊襄陽未應稀知漢上題襟共誰樽酒
都人目正月十九日為
燕九游人爭往白雲觀


減蘭

贈程叟

韓畱逝矣短布單衣逢弟子返照僧樓白髮蕭蕭話舊
遊 琴箋細譜流水高山多樂府他日江關我亦填詞
付汝彈

金縷曲 憶靜憐

塞土臘脂紫女牆深榆飄似莢柳多於薺身作紅襟雙
語燕飛入碧牕紗裏看挂鏡親盤鴉髻象篋鰕鬚都不
卷惹犀梳粉拂餘香膩勻雨了埽眉未 玉娥遺曲康
陵製換新聲箏調銀甲笙調銀字蝴蝶團團花底住分
薄西風驚起夢不到綠陰青子白鴈橫天來又去盼蕭
娘一紙書難寄五湖約十年事



曝書亭集卷二十五